

# Qalam

KDN 434

153 Dhu al-Qa'dah 1382 April 1963, 60 sen

## Apa tujuannya?

Encik Hassan Adli, anggota PAS, dalam

*Parliament* Persekutuan Tanah Melayu, telah mendatangkan suatu pertanyaan kepada kerajaan tentang berapa banyaknya orang-orang yang telah diberi perlindungan siasah untuk tinggal di Persekutuan Tanah Melayu.

Pertanyaan ini telah pun berjawab – bahawa kerajaan

tidak dapat memberi kenyataan dalam perkara ini atas dasar keselamatan awam. Jawapan ini tepat dan sesuai.

Pertanyaan yang didatangkan oleh Encik Hassan Adli itu, nampaknya adalah sebagai sambungan daripada pembelaan terhadap kepada kerajaan Sukarno di Indonesia, di dalam mana ia telah menuduh bahawa kerajaan Persekutuan Tanah Melayu adalah melindungi pemberontak-pemberontak yang memberontak terhadap kepada kerajaan Sukarno di dalam sidang *parliament* yang terdahulu.

Pertanyaan ini, didatangkan pula olehnya dalam masa Indonesia sedang mengugat<sup>1</sup> dan menyerang Malaya dengan ((konfrontasinya)). Apabila disesuaikan dan diperkaitkan persoalan itu maka timbulah beberapa pertanyaan yang

berbangkit daripadanya bahawa apakah tujuan Encik Hassan Adli mendatangkan pertanyaan itu? Adakah pertanyaan yang didatangkan itu berkaitan dengan muslihat partinya, PAS, yang diwakilinya di dalam Tanah Melayu ini?

Kalau diperhatikan dengan saksama bahawa yang demikian tidak ada pertaliannya sama sekali dengan perjalanan PAS di Tanah Melayu atau pun pertaliannya dengan pertubuhan-pertubuhan Islam di Indonesia yang mencenderungkannya untuk mendatangkan pertanyaan itu yang membawa faedah kepada perkembangan Islam.

Dengan kenyataan itu maka mungkin<sup>2</sup> orang akan bertanya kepada PAS apakah pertanyaan yang didatangkan oleh PAS itu sebenarnya telah disetujui oleh Jawatankuasa Agung PAS atau hanya di atas kemahuhan Encik Hassan Adli sendiri.

Sebenarnya tidak ada suatu perkara yang bakal menghalang seseorang anggota *parliament* mendatangkan sesuatu pertanyaan kepada kerajaan tetapi mustahak diingat dan difikirkan apa yang ditanya itu. Di dalam pertanyaan yang didatangkan oleh Encik Hassan Adli itu sekalipun umum tetapi umumnya orang mengetahui bahawa pertanyaan itu didatangkan adalah untuk mengetahui keadaan orang-orang Indonesia yang melawan Sukarno yang duduk di Tanah Melayu.

Dengan keterangan-keterangan ini, dan melihat kepada faedah-faedah yang terbit daripada pertanyaan itu, tentunya orang boleh memahamkan bahawa yang untung di dalam soal ini ialah kerajaan asing iaitu pemerintah Sukarno di Indonesia, dan boleh pula orang-orang memandang dan bertanya bahawa harus yang bertanya itu boleh digunakan untuk faedah orang asing yang sekarang memandang Malaya sebagai musuhnya.

<sup>1</sup> Perkataan sebenar ialah menggugat

<sup>2</sup> Perkataan sebenar ialah mungkin

Kalau benar sangkaan ini maka sesungguhnya ini sangat mendukacitakan dan seseorang seperti ini, kalau benar sifatnya begitu, haruslah diselidiki keadaannya sebab takut kelak ia akan jadi pagar makan padi.

\* \* \*

### **Undang-undang Kahwin Lebih Dari Satu**

Baharu-baharu ini seorang lelaki dikatakan telah dihukum oleh mahkamah yang keenam, kerana ia telah berkahwin dengan seorang perempuan lain, pada hal ia telah ada mempunyai seorang isteri. Ia dikatakan menyatakan kepada kadi bahawa ia tidak ada mempunyai isteri sehingga dengan kerana itu kadi pun telah mengkahwinkannya<sup>3</sup>. Kemudiannya didapati bahawa ia ada mempunyai seorang isteri.

Dengan kerana itu ia telah diadukan dengan memberikan kenyataan bohong.

Menurut peraturan negeri, hal perbuatan yang seperti ini, sememangnya bersalah. Tetapi ada suatu perkara yang menjadi pertanyaan. Mengapa maka orang ini tergamac berkata bohong dan menyatakan bahawa ia tidak ada mempunyai isteri?

Undang-undang yang mengenai orang-orang Islam Singapura hanya ada menyatakan bahawa seseorang yang ada mempunyai isteri hanya boleh dikahwinkan oleh *Chief Kadi*, setelah ia berpuas hati bahawa ia tidak melanggar hukum syarak Islam.

Perkara ini telah pun pernah dibahas di dalam ruangan ini di dalam dua tiga keluaran yang lalu. Di dalam amalan yang berjalan, barangkali telah dijadikan peraturan bahawa seorang yang ada mempunyai isteri tidak boleh berkahwin

lagi dikecualikan menyempurnakan syarat-syarat XXX<sup>4</sup>

kemampuan dan seumpamanya. Ini semuanya tidak menjadi halangan bagi syarak dan tidak XXX<sup>5</sup> *māni* yang boleh menyekat seseorang untuk beristeri lagi.

Perbuatan-perbuatan yang dilakukan untuk memperundangkan menahan atau menghalang-halang kahwin lebih daripada satu dan dengan sendirinya menjadikan orang-orang Islam berani melanggar peraturan-peraturan negeri, sebab ia akan menghadapi tiga perkara:

Pertama: Melakukan zina.

Kedua: Takut berbuat begitu kahwin hanya mengikut syarak.

Ketiga: Berbohong untuk menyempurnakan kebaikannya.

Kalau mereka dihalangi, maka terjadi perzinaan dengan sebab adanya peraturan-peraturan negeri, pada hal ia tahu syarak meluluskannya, maka selain daripada mereka melanggar hukum sosial dan hukum Tuhan, tentunya mereka berdosa, dan kita yakin orang-orang yang membuat peraturan ini akan dengan sendirinya bertanggungjawab kepada perbuatan-perbuatannya itu.

Berkahwin dengan tidak berdaftar – akan menimbulkan perkara-perkara yang melanggar peraturan negeri yang kemudiannya akan membabit pula perihal pusaka dan lain-lainnya.

Berbuat bohong – ertiinya melanggar hukuman negeri dan mereka boleh dihukum, sekalipun syarak tidak membenarkan ia dihukum sebab perkara perkahwinan itu adalah suatu perkara kebaikan dan tiap-tiap perkara kebaikan itu syarak tidak meluluskan menghukumnya.

Berdasarkan kepada ini hendaklah ahli-ahli mesyuarat

<sup>4</sup> teks asal tidak jelas

<sup>5</sup> teks asal tidak jelas

<sup>3</sup> Perkataan sebenar ialah mengahwinkannya